

VENDIM
Nr.464, datë 6.5.2009

PËR MIRATIMIN E FLAMURIT DHE TË STEMËS SË POLICISË SË BURGJEVE

Në mbështetje të nenit 100 të Kushtetutës dhe të pikës 1 të nenit 4 të ligjit nr.10 032, datë 11.12.2008 “Për Policinë e Burgjeve”, me propozimin e Ministrit të Drejtësisë, Këshilli i Ministrave

VENDOSI:

1. Miratimin e elementeve përbërëse të flamurit dhe të stemës së Policisë së Burgjeve, sipas përcaktimeve të bëra në aneksin nr.1, që i bashkëlidhet këtij vendimi dhe është pjesë përbërëse e tij.
2. Vendimi nr.263, datë 5.5.2006 i Këshillit të Ministrave “Për uniformën e Policisë së Burgjeve”, shfuqizohet.
3. Ngarkohet Ministri i Drejtësisë për zbatimin e këtij vendimi.
Ky vendim hyn në fuqi menjëherë.

KRYEMINISTRI
Sali Berisha

Aneksi nr.1

Elementet përbërëse të flamurit dhe stemës së Policisë së Burgjeve

1. ELEMENTET PËRBËRËSE TË FLAMURIT TË POLICISË SË BURGJEVE

Pjesa valëvitëse e flamurit përbëhet nga një copë mëndafshi, me përmasa 100 cm x 70 cm, me sfond me ngjyrë blu të errët dhe me bordurë ngjyrë ari, në qendër të së cilës ndodhet shenja e Policisë së Burgjeve.

Pjesa jovalëvitëse e flamurit përbëhet nga një shtizë cilindrike, me majë, me gjatësi 140 cm dhe me ngjyrë të argjendtë.

II. STEMA E POLICISË SË BURGJEVE

Stema e Policisë së Burgjeve përbëhet nga stema zyrtare e Ministrisë së Drejtësisë, me ngjyrë të verdhë, e vendosur mbi një sfond me ngjyrë blu dhe me mbishkrimin “Drejtoria e Përgjithshme e Burgjeve”. Kjo shenjë vendoset në krahun e majtë dhe në krahun e djathtë vendoset flamuri kombëtar.